


खुदर गे बाइबल
एद'अना

आलास हीं
थोमथोमरना शुरू।



तरती तूड़तारकी र'ई: Edward Hughes

तरती कमतारक'आ र'ई: Byron Unger; Lazarus
Alastair Paterson

तरती हो'अतारकी र'ई: M. Maillot; Tammy S.

तरती उल्था नन्तारकी र'ई: इसान निंगहय नामे तूड़आ

तरती कमतारकी र'ई: Bible for Children
www.M1914.org

©2021 Bible for Children, Inc.

लाइसेंस: इदिन मल बीसना गूटी, निंगहय गुसन ई कहानीन
काँपी महले प्रिंट नन्ना ही हक र'ई।




धर्मेस हरमीन कमचस! एकाबारी धर्मेस
पहिला आलास आदमसिन कमचस,होले
आस तंग आली हच्वा गने अदन बडगी नु
र'आ लगियस। अबडर आ उल्ला गूटी
धर्मेस हीं पेःसकन मेनर अउर आस गने
र'अनुम खुशमारनुम
र'आ लगियर.....



“एन्द्रा धर्मेस निंगन
बाचक’आ रहचस का
नीन हरमी मन्न ता
खंजपान अमके मोखा?”

नेरद हव्वान मेंजा। “एम हरमी खंजपान मोखा
आंगदम लिकिन ओन्टा, “आद आनाकिर्ताचा, “अगर
एम आ खंजपान छुवार’ओम महले मोखोम होले
एम खे: ओम कालोम।” “नीन
मल खे: ओय,” नेरद अलखिया।

“नीन धर्मेस लेखा मनोय
कलोय।” हव्वा आ मन्न ता
खंजपान मोखा बेद्दा लगिया।
आद नेरें हीं कत्थान मेंजा
अउर खंजपान मोखा।



हव्वाद धर्मेस हीं कत्थान तांडचक'आ
खोखा, आद आदमसिन हँ खंजपान
मोखा गे उकसाचा। आदमेस गे
“मला! एन धर्मेस हीं पे:सकन मल
तांड'ओन” ब'अना रहचा।”





एकाबारी आदमस अउर हव्वा पाप नंजर,
अबड़ा दुयो झन अकखर केरर का आर लगंटे र'अनर।
अबड़र डुम्बारी अत्त'खन ओज्जर की तमन ढपचर अउर
धर्मस ही बरना ती आर झुपड़ा नु नुखरर केरर।



पुतबारी ता पंड्य्या बेड़ा नु धर्मेस बडगी नु बरचस।
आस अख'आ लगियस का आदमस अउर हव्वाद
एन्देर नंजक'आ र'अनर। आदमस हव्वान दोषी
ठहराचस। हव्वाद नेरन दोषी ठहराचा। धर्मेस
बाचस, “नेरें शर्पारकी र'ई। खद्द जन्म'ओ
बारी मुक्का गे कष्ट मनो।” “आदम, नीन
पाप नंजकय, आँगे खेखेल राजी शर्पारकी
र'ई अच्च अउर अच्च खोप्पा ती ।

नीन निंगहय रोजेम ता
ओना-मोखा गे खट'ओय
अउर पसीना चुरुख'ओय।”



धर्मेस आदमस अउर हव्वान
हयकटकना बडगी ती ओत्थस
चिच्चस। आर जिनगी चि'ऊ
धर्मेस ती फरके मंजक'आ
केरक'आ रहचर, एन्देरगेका
आर पाप नंजक'आ
रहचर!





धर्मेस आरिन बहरी उइय्या गे
ओन्टा लघर्ना तलवइर कमचस।
धर्मेस आदमस अउर हव्वा गे
चपटा ती कुइता कमचस। धर्मेस
एस्तेक चपटान होच्चक'आ
रहचस?




जोक्क बेड़ा खोखा, आदमस अउर हव्वा हीं एड़पा नु ओन्टा
परिबार कुन्द्रा। आर हीं पहिला खददस कैनस ओरोत माली
रहचस। आर हीं दुसरा खददस, हाबिलस, ओरोत ग्वाला
रहचस। उन्दुल कैनस धर्मस गे भेट चि'आ गे जोक्क सब्जी
ओन्द्रस। हाबिलस तंगहय हरमी ती

दाव भेंडोने धर्मस गे भेट
चि'आ गे ओन्द्रस।


हाबिलस हीं
भेट ती धर्मस
खुशमारस।



कैनस हीं भेट ती धर्मस मल
खुशमारस। कैनस अज्जम कयरारस।
लिकिन धर्मस बाचस, “अगर नीन
अदिनीम ननोय एकदा ठीक र’ई, होले
एन्द्रा निंगन ग्रहण मल नंतर’ओ?”




कैनस हीं कयर मल इतिया ।
जोक्क बेड़ा खोखा खल्ल नु आस
हाबिलस मंड्य्याँ हमला नंजस-
अउर आसिन पिटयस चिच्चस।



धर्मेस कैनसिन बाचस, “निंगडीस
हाबिलस एकसन र’अदस?” “एन
बलदन,” कैनस ठकचस। “एन्द्रा एन
इंगडीस हीं ईरू-खूजु हेकदन? धर्मेस
कैनस हीं खल्ल-उखड़ी नन्ना हीं
संवगन बच्चर की आसिन भटकार’ऊ
कमचस की सस्ती चिच्चस।



कैनस धर्मेस हीं मुन्दहारे ती चाइल केरस। आस आदमस
अउर हच्वा हीं तंगदन बैजरक'आ रहचस। आर ओन्टा
परिबारन पॉसर-परदर। चांड़ेम, कैनस हीं
नती-नतगुर नगरन निंदचर चिच्चर
एकदन आस कमचक'आ रहचस।





ई बेड़ानुम, आदमस अउर हव्वा हीं परिवार
चांडे बढर'आ हेतरा। आ उल्ला नु, आलार
अक्कुन ती बग्गे उल्ला गूटी उज्जा लगियर।



एकाबारी अदिहीं तंगदस शेतस कुन्द्रस, हव्वा
बाचा, “धर्मस एंगा हाबिलस हीं अंडा नु
शेतसिन चिच्चस।” शेतस धर्मी आलास रहचस,
ने 912 बछर गूटी उज्जियस अउर आस हीं
ढेरियेम खदर रहचर।



खेखेल राजी नु एकन्ने-एकन्ने ओन्टा पिढ्ही नन्ना
पिढ्हीन मानते केरा, आलार बग्गेम बिगडारते केरर।
अन्तले, धर्मेस आल जाइतन नाश नना गे
सोच्चस अउर हरमी जानवर अउर ओ:
डा गुट्ठी। धर्मेस आल कमचस की
पसतारस। लिकिन
ओरोत आलास



धर्मेसिन
खुशमारताचस

...




ई आलास नहस रहचस। शेतस हीं खंदन ता, नूहस
धर्मी अउर निर्दोष रहचस। आस धर्मस गने ईकयस।
आस तंगहय तीनों खद्दारिन धर्मस हीं
पे:सकन मेना गे सिखाबाचस। अक्कु धर्मस
नूहसिन हयकट अउर खास
तरीका ती नलख नु
ओन्द्र'आ गे
सोच्चस।




आलास हीं थोमथोमरना शुरू।
धर्मेस हीं बचन ती ओन्टा खीरी, बाइबल,
इय्या खकखरी'ई
सिरजन 3-6

“निंगहय बचन हीं बखड़े बिल्ली चि'ई।”
अस्सना पड़ना 119:130





2



60



इबड़ा बाइबल खीरी नमन नमहय हयकट धर्मस हीं बारे नु तिंगी, ने नमन कमचस अउर आस चहदस का नीन आसिन अख'आ।

धर्मस अखदस का नाम मलदाव नलख नंजक'आ र'अदत, एकदन आस पाप ब'अदस। पाप हीं सस्ती खे'अना हेके, लिकिन धर्मस निंगन अज्जम चोन्हा नंदस आँगे आस तंगहय ओन्टा एकला तंगदस यीशुसिन तइय्यस का क्रुस नु खे'ओस अउर निंगहय पाप गे सस्ती खक्खोस। तेकर यीशुस उज्जा चोचस अउर तंगहय एड़पा मेखा राजी केरस! अगर नीन यीशुसिन पत्त'ओय अउर निंगहय पाप गे छमा ने'ओय, होले आस छमा ननोस चि'ओस। आस अक्कन बर'ओस अउर निंगहय जिया नु र'ओस, अउर नीन आस गने जिनगी जुग उज्जोय।

अगर नीन इदिन मानिम पत्त'अदय होले इदिन धर्मस ती ब'आ: अना यीशु, एन पत्त'अदन का नीन धर्म हेकदय, अउर एंगहय पाप गे आल बंचकय की केचकय, अउर अक्कन उज्जने र'अदय। सोगगे एरर की एंगहय जिनगी नु बरा अउर एंगहय पापन छमा नना, एकात्तुक अक्कन एंगहय पुना जिनगी मनो, अउर उन्दुल निंगहय गने जिनगी जुग र'ओन। एंगन निंगहय खद्द लेखा निंगहय कत्थान पे:सर'आ गे अउर निंगा उज्जा गे सहारा चि'आ। आमीन।

रोजेम बाइबल पढ़'आ अउर धर्मस गने कसनख'आ! योहन 3:16

